

得志本院欲行各處巡撫都御史巡按御史并着落布按二司分巡分管地方官員各要躬親遍歷所屬府州縣衛所廣詢博訪但有前項害民之人就使拏問明白情重者欽遵

詔書內事理民并餘丁發附近衛所充軍軍發邊衛常川守哨情輕者依律問罪仍加號一箇月滿日照例發落務要盡絕不許遺漏有司官員若再容留前項之徒出入衙門者巡按御史按察司分巡官不時訪察得出通行提問如律候訪察畢日將拏問過民害書算人等姓名數目備造文冊

奏繳具題奉

聖旨是欽此

降革傳奉官

弘治二年七月初五日太子太保吏部尚書王

等

題為重官爵以遵

朝廷事

內府抄出長隨何鼎題嘗謂官可達得則

朝廷不遵祿可乞哀則官爵不重唐虞建官惟百屢南陪之皆致熙熙皞皞之致後世千官治莫及焉是知多不知少少不知好臣竊觀古今法治各有因時制宜不可守為常者且如錦衣衛官校行事得陞必因當時人心未定故於文德武功之外暫加厚焉所以威攝奸雄此一時之權也復以為例往往行事陞故本衛官多喜數百皆須沉食俸祿殊失

祖宗建官本意且民間之勞其若萬狀軍士之勞其若百端比之行事之勞尤甚的是赤子何厚如此繼例而陞年久不勝其多乞

恩傳俸寔非治世美事

皇上御極之初灼見此非已行沙汰中外慶快然其間猶或有脫漏者况近年久有此開俸門者伏望

聖明深念

宗社生民之重歷覽古今壞事之源未常不由姑息濫賜官爵所致大振

乾剛不為耶者所蔽倭者所惑昧者所罔於斯始決意行乞

勅吏部兵部審查文非考中本等程式者武非軍功者并行事陞者自天順元年至今一切革去以杜俸門

以治至治以謹覆霜墜冰之戒如此則邪倭不敢肆為正直得持公奔競自安分人人格心上一

正寔天下後世大慶幸也臣叨侍

內廷不忍緘默冒死上陳不勝慄慄待罪之至等因題奉

聖旨該部都看了來說欽此欽遵抄出送司案呈查得成化二十二年九月內該科道官陳言要將傳俸大小文職官員通行查出罷歸閑住等因該本部查得成化二十一年正月二十六日吏部等衙門題為災異陳言事節該奉

憲宗皇帝聖旨傳俸文職大小官員除勲戚功陞廢授不動欽此今查得教內中書舍人孫廷臣朱玄岑業丁憂中書舍人余翰李欽天監監正李華南京通

政使司張苗南京太醫院院判周經俱係傳俸官員先奉

欽依見任額內管事太常寺額設堂上五員除掌寺事太子少保礼部尚書劉山及寺丞布自雲外今有礼部左侍郎丁未中少卿蒙以聰丁憂少卿崔志端寺丞楊遇清杜日鼎趙繼宗共六員太醫院額設堂上官三員今有通政司左通政張倫左叅議丘鈺院使施欽仲蘭錢鈺院判任義劉文太張淵王智許觀莊元金璽李思勉施鑑陳公賢徐生苗緩孫太潘澤丁憂院判王玉共二十員俱係傳俸見任管事各官去留本部未敢擅便定奪伏乞

聖明裁處其餘原係史典承差儒士等項傳俸授職者俱各革職冠帶并食糧儒士監生俱發爲民太常寺

官俱係樂舞生道士法師等項出身者冠帶原官親閑住欽天監官生舊例不許遷動官俱革職仍與冠帶及冠帶天文生等革去冠帶俱充原役等因具題節該奉

聖旨是見任額內節事的仍舊太常寺太醫院堂上官照額挨次存留額外并文華殿書辦的再開來看其餘原有陞職的三品四品降正從六品五品六品降正從八品七品以下降雜職都調外任原在四夷館習譚出身太醫院供事的仍留辦事在御監辦事酌量留五人其該降調額致仕者照原官致事原無官授職的降邊遠雜職願閑住者照初職閑住樂舞生道士出身的冠帶閑住生員儒士監生未授官的發回寧家欽此欽遵除見任額內管

事并原告致仕閑住官員外查得太常寺額設堂
上官五員除照額挨次存留掌寺事太子少保禮
部尚書劉爰禮部左侍郎丁永中少卿蒙以聽丁
憂少卿崔志端寺丞楊遇春五員多餘寺丞杜日
融趙繼宗布自雲三員太醫院額設堂上官三員
除照額挨次存留院使施欽院判任義章淵三員
名餘左通政張倫左叅議丘鈺院使仲蘭錢純院
判劉丈太汪智許觀莊元金璽李思勉施鑑陳公
賢徐生黃綏孫大潘澤丁憂院判王玉共一十七
員俱係額內官員及查得大理寺右寺丞杜昌鴻
臚寺右寺丞高岱周惠疇尚寶司司丞唐勝華英
中書舍人仝大楊立丁憂序班袁佩共八員俱係
文華殿書辦官員具題奉

聖旨是布自雲補額食書杜日融趙繼宗各降原職供事
太醫院額內食書額外已降的罷汪智李思勉致
仕張倫降院判其餘降御醫都各供事杜昌降中
書舍人高岱周惠疇唐勝華英降鴻臚寺主簿仝
太楊立袁佩降順天府檢校照舊書辦欽此欽遵
又該本部查得原有官陞職一十三員通政使任
傑李景華太常寺卿陳學太僕寺卿楊玘原係三
品該降正六品光祿寺少卿千係南京工部屯田
清吏司郎中朱義給假原籍祭掃尚寶司少卿嚴
勲原係五品該降正八品尚寶司司丞何瑾鴻臚
寺左寺丞張志通太僕寺寺丞張春光祿寺署正
常議原係六品該降從八品鴻臚寺主簿劉錄序
班黎正原係七品以上該降雜職原無官授職太

僕寺少卿等官李倫等四十二員該降邊遠雜職
各填註相應職事給憑赴任管事數內

御用監辦事官員緣係節奉

欽依量留五人未敢擅便定奪等因奉

聖旨是御用監量留五人還着本監揀選藝精的奏留欽

此欽遵依行本監揀選得原有官陞職光祿寺署

正常讓原無官授職太僕寺少卿李倫尚寶司司

丞金鑰楊清鴻臚寺寺丞于浩存留辦事等因具題

內府衙門辦事官員合照前項

欽依降職事理將各改降在京衙門職事帶俸辦事奉

聖旨常讓降順天府經歷司知事李綸金鑰楊清于浩改

降照磨所檢校訖又查得山東布政司右叅議梁

龍太僕寺寺丞沈達鴻臚寺寺丞高詮守制鴻臚

寺左寺丞沈銓四員係四夷館習譯出身太醫院

御醫張讓祝成聶整朱俊許俊樊英孫景先陳俊

鄭文貴王愷王鎮李崇周官良甯銓楊志陳英許

美張有慶吳煜周智常行曹源吳綬王繁方叔和

張序何鳳春朱佐楊汝和彭輔賀京吏目汪輔鄭

謹魯震共三十四員俱係太醫院供事官員查得

右叅議梁能寺丞沈達高銓沈銓俱係原有官陞

職梁能原四員該降從六品沈達高銓沈銓原係

六品該降從八品及查得先該本部議擬太常寺

官係樂舞生道士法師等出身者冠帶原籍宮觀

閑住欽天監俱革職仍與冠帶俱充原後節該奉

欽依是樂舞生道士出身的冠帶閑住欽此欽遵外緣太

醫院等官蔣讓等三十四員內除鄭文貴先任院

判該科道官劾奏

欽降御醫不開外其蔣諫等三十四員比與太常寺欽天
監官相同合照太常寺欽天監官一体革職止與
冠帶仍充醫士供事梁能等照該降品級添註相
應職革各與原任衙門帶俸照舊辦事將梁能擬
降山東布政司經歷沈達降山東布政司照磨高
恮沈銓俱擬降山西布政司照磨具題奉

聖旨是欽此欽遵外又查得中書舍人袁喜查處之時該
科道糾劾官部該奉

聖旨袁喜罷欽此欽遵此傳俸官已沙汰降黜者也及查
得中書舍人萬弘珩係

內閣學士萬安孫劉常係劉吉子劉銳劉珣子雖稱
俱係傳俸人員當特因有

先帝前項除蔭授不勳

聖旨以此存留此非無故脫漏者也除此之外別無脫漏
傳俸之人再查得致事御醫方賢奏乞量授舊職
致仕本部查方賢先任太醫院院使傳陞左通政
掌院事為偷盜藥餌問發充軍後蒙

憲宗皇帝聖旨宥免軍後降敕御醫致仕今又量量授舊
職役仕實欲希求

新恩進用要將本官拏送法司明正其罪等因具題奉

聖旨方賢求復傳陞職不准也不准問欽此欽遵又查得
太常寺奏要將革罷傳俸官徐啓端仍復司藥王
福廣等月支食糧本部為照此舉是為傳俸官員
立赤職若復用一人則數千百皆相而求豈勝煩
擾蓋是徐啓端等拏送法司明正其罪等因具題奉

聖旨徐啓端等本當拏問且都饒這遭劉岌等罷欽此欽遵此其欲開俸門本部題

准不容聞者矣今何罪題要審文非考中本等程式陞者自天順元年至今一切革去以杜俸門一節緣天順元年至今三十三年彼時俸進之人杜者今已老老者今已故其見存者亦有遷傳一二此者且和成化年間內閣學士李賢子李璋彭時子彭傾俱係舍人除授尚寶司司丞李璋陞本司卿劉定之子劉稱以生員除授中書舍人陞南京尚寶司司丞商輅子商良輔以監生乞

恩除授生事近來商輅孫商汝賢又以納粟監生乞

恩除授尚寶司司丞太監張慶程張輝曲承差除授驛丞陞太常寺寺丞今陞典簿御史鍾同子鍾鉞由生

員除授通政司知事之類皆是文非考中本等程式陞除之人又有保陞為太醫院官者為欽天監官者為工部所屬衙門官者為各府都事等官跟隨總兵等官書辦者波因多係廢除及不係傳俸人數不曾查覈又若又行查革將不勝其革且有不可革者徒見行紛更而無已也臣等切惟治天下之道貴乎簡要安靜處置得宜犯者治之其不犯者必不追究如此則事不煩而民志定若今日一人言一往事而翻騰之明日一人言一舊事而追究之但見其事體叢脞而衆心疑俱非所以顧大体而降治道也又惟諸司官俱有定員不可濫授則民擾士之進身亦有正道非由正道進由鑽窬隙之類也維才能何足道哉伏望

皇上俯賜裁察合無不必追究往事自今以後內外大小衙門官缺一員則選補一員不可輕易听人妄保不由正道出身之人泛濫陞除如此則梅執自息官爵自重

朝廷自遵方姓自安而天下自治矣若往者雖革之來者又許之徒見其紛擾豈有益哉緣奉

欽依該部看了來說奉
聖旨是欽此